



— AGLAIT —

ILLUNAINORTUT.

Nr. 19

Nain, Januar 1905.

Nr. 19

Illagêktunut Ladradoremetunut.

Nagliktakka! Nâle kab Jêsusib Kristusib saimarsautingata ullapirsautingatalo illagilisetôk illûnase jâreme nutâme!

Kenujotut sakkeromavunga tamattomane sâpsingne. Taimailingavlunga illerasugajarpunga, nangminimnut kenunasuaruma. Kissiane kenunasualungilanga nangminimnut, kenunasuarpungale piulijimnut piulijipsingnullo. Taimaimat illerasungnanga okarniarpunga illipsingnut. Ajokertuijersoaptingnut Bertelsdorfemêtunut aglagviolaukpogut, jâreorkaujome amma Missionib piutiksangit amigadlalaungmatta. Taimak Missione taijautillugo, Missione karnivut Labradoreme issumagijaksaulualungilak, Missione karnivulle nurane sunatuinarne kanningitune: Afrikame, Surinameme, Moskitome, West-Indiame assingine. Kattillugit Missione karviptingne illûnaine illagêktokarpogut 137 nik illagêktoarsungniglo 89 nik taipkonungalo illauvut inuit 94995 it. Pairijauvut tamakkoa ajokertuijunut 250 nut. Illagêktut ununingit issumagikupsigik allagaiksarungnarniarpose, Missione karvipta pijariakartangit jârit tamaita ikkitolungimatta; unurnersausôngovut aglât Dollarinit 400000 nit. Makkoa illangit

imâkâ abvakassangit sakkertitauvut Missione karvingne nangminek. Nunat illangine [sôrlo uvaptingne] niuverve-karpok, illangine perorsêviksoakarpok, illangine sennave-karpok kejungnik kikianiglo assinginiglo. Sakkertitangit, Missione karvingnit pijut, illingatitauvut Missionemut. Amma imâk illusekarivok assiptione: Inummarit illûnatik illagênut illaujut jârit tamaita nutâmik tunnidsivut kênaujanik Missionesiutinik [50¢ 60 ¢ lônêt 80 ¢ lônêt.] Ammalo nunat illangine illiniarvît ikajortautsiarput nunat attaninginut. Tamakkotigûna assingitigullo ipkoa 400000 ketterkangit sakkertitauvut Missione karvingme.

Ketterkangille aipaingit sakkertitaujariakarput okpertôkatiptingnut ikajorosuktunut Jêsusib nâlegauviata angijorortitauniksanganik, tunnidjigosuktunut perkutigijamik illanginik Jêsusemut.

Taimailingatillugo piutiksatsakkertitaujut Missionemut jâreokaujome amigalualaukput Dollarinik 40000nik. Tamakkoale akkilertaujariakarput.

Kikkut akkilerniarkagît? Nakudlarpok illagêt Germaniamêtut Englandemêtullo Amerikamêtullo omaridlarmatta, Missione akkiliksaerutinasuarlugo, akluitut kissimiungitok, aukagle, aklujut perkutekatsiangitullo piluarput. Nakudlarpok Missione karviptionêtauk kattangutivut kernertat assingillo kaitsinasuarmatta ajugaringitamingnik, Missione akkiliksairutinasuarlugo. Kanorle, Nagliktakka, uvagut ikajoromangilaguttauk, Missione akkiliksairutivlugô? Kia pinga, kia perkojanga Missione? Jêsusib pinga, Jêsusib perkojanga.

(Sorairtitaulârput Nr. 20me.)

K a u j i t i t s i n e r i t

akkiliksat angijorortitauningit pivlugit.

1902me akkiliksats nutât âkiktaulaungmatta, tagva tâpkoa angijororingat mâna nellivok okausit okautigijaujut malligaksat sittamangine malliklugit.

Mânamut akkiliksamarit senliagut pêtuksarsijokaulukpok. Pêtuksak tâmna mâna akkiliksats angijorortitauviane akkiliksamarinut illaliuterkojavok, kingornganelo akkiliksarsinek pêtuksamat soraijavok.

Pêtuksats nokarningita pitjutingit okautigilavut tagva. Malligaksats pêtuksak pivlugo malliktaulungilat.

Nunapta illangane pêtuksak arkutaulukpok akkiliksats arinut unuluadlartunut.

Pêtuksak kuvianalungitunik kaitsikattalukpok Niuvartinut, ancingalo akkiliksakautinut aglaktaujungnarane puigijaukattarmat.

Pissiniutekartut pissiniutekangitullo atuinaungitunik adsigêmik pêtuksarsijomavut.

Pêtuksak kaningitomot âtaujuksaulungigalloarlune, aujame kissiane pêtukattal rpok.

Illangane piutekaralloartut, pêtuksamingnik illangersijomangilat.

Tamakkoa pêtuksab nokkarkojaujutingit.

Tamâneletauk taisijuksavogut nertornartunik, okauseomajomiglo mallitsiarasualauktunik, kiksarnatui-narpok taimaitut ikkiluatsainarmatta.

Pêtuksats taimailingalerningine akkiliksamarit adsigivait; adsigilermagille, namatuinarpok, tâpkununga illaliutinatuinarpatta.

Pértuksat sorairtitaumagalloarningine, kukkiutit sioraujallo ingmikut pigannerniarput sivornganetut.

Tussunalungilak, akkiliksarsijaksat sugaluluadlartomik angijororniarlugit. Tamattomunga ikajortautailituinara-janginapse agviartaumarigajarapseletauk. Akiliksainginek Septemberib nâlerningane ullorianadlarmat, taimailinga-luarpok, malligaksat pingajungit malliktaujariakarmatta.

Taimaktauk akkiliksarsijaksakartokarajarpasapperutigijaminik kangalônêt, kanoenermulle agviartaunane, tagva akkiliksarsijaksak taimaitok nungujungnairviane ikigititaujariakarniarpok, malligaksat tellimangit malliklugit.

Puigortokarniaraneletauk akkiliksatsat nungusimaler-ningine aujame, piutiksatsat idluarkutautsainalermatta, tapkoa pilerningine tigusijokakattarpok pinasûwik, niuviaksaniglo akkikinnersanik.

Chr. Schmitt.

I s s u m a n a r t u t .

1. Inuk jârer Kortonerpaugalloak tamainit inojungnairpok, atâtanga tokolertinnago. Kanok illingavâ?

2. Angutik magguk taijauvuk aglangne nullianiktainartuk, jârekaramik 40 nik. Nelliangovâk?

3. Pingasuertorluta okaudjauvogut, Jêsuse nunamêdlune kugviolaungmat. Nane?

4. Kikut keadlarnertauvât keajungnarungnairkâratik?

5. Adamib okauserilauktangit sivorlît taijaujut aglang-
ne kanok illingavât.

A. M.

